la .ti'ocku.

August 21, 2022

## le me'oi .disclaimer.

ni'o la .ti'ocku. nalmu'o .i ganai ga le cevni cu cpedu lo nu la .varik. ningau la .ti'ocku. gi la .varik. facki lo du'u cfila la .ti'ocku. gi la .varik. ningau la .ti'ocku.

### le me'oi .abstract.

ni'o ti poi te tcidu cu vasru le te lijda be la .varik. ni'o le ti te tcidu cu ctino pe'a le marde le cevni

### le cmuzilkri

#### 3.1 le cevni

cmuzilkri 1. ni'o le cevni cu na camcpe lo nu cesri'isi'a le cevni

cmuzilkri 2. ni'o le cevni cu milxe djica lo nu cesri'isi'a le cevni

cmuzilkri 3. ni'o le cevni cu zbasu le munje

cmuzilkri 4. ni'o le cevni cu troci lo nu zdigau

cmuzilkri 5. ni'o zo satan po'onai cu cmene le cevni

cmuzilkri 6. ni'o le cevni cu frati lo nu tavla pe'a kei lo xamgu jdaselsku

cmuzilkri 7. ni'o ro da xi pa zo'u ro de poi tolvu'e xi parecivo zo'u ro da xi re poi gasnu de zo'u ganai da xi re cu me'oi .sincere. zungi lo nu da gasnu de kei gi'e ba troci lo nu noroi gasnu lo smimlu be de gi le cevni cu tcecpedu lo nu da xi pa cu fraxu da xi re lo nu da xi re cu gasnu de

**cmuzilkri 8.** ni'o ro da zo'u lo ro nu da troci lo nu da cilre gi'a plixau cu zgadi fi le cevni

cmuzilkri 9. ni'o ro da poi se facki zo'u ro de poi ke'a goi ko'a zo'u ko'a me'oi .sincere. djica lo nu ko'a xamgu co'e kei gi'e mutce ke me'oi .sincere. djica ke'e lo nu le cevni cu jungau kei gi'e se nelci le cevni gi'e pu se nandu lo nu facki da ko'a zo'u le cevni cu jungau de zo'e da

cmuzilkri 10. ni'o le cevni cu rolju'o

cmuzilkri 11. ni'o ro da zo'u go da xamgu gi le cevni cu nelci da

cmuzilkri 12. ni'o ro da zo'u go da xlali gi le cevni cu to'e nelci da

 $\mathbf{cmuzilkri} \ \mathbf{13.} \ ni'o \ le \ cevni \ cu \ xamgu$ 

#### 3.2 lo xamgu .e lo xlali

cmuzilkri 15. ni'o ro da poi djuno to'e kraice lo gugde be da zo'u ganai da na djuno lo du'u sarcu fa lo nu da kraice lo gugde be da gi no de zo'u de kakne lo nu nurxru da le cevni

cmuzilkri 16. ni'o ro de poi tolvu'e xi parecivo zo'u ro da poi gasnu de zo'u ganai lo nu da gasnu de cu cabna lo nu da djuno le du'u de tolvu'e xi parecivo kei gi'e na me'oi .sincere. jinvi le du'u lo nu da gasnu de cu sarcu lo nu le gugde be da ku .a da cu snura kei kei .a le du'u da na kakne lo nu to'e gasnu de kei kei kei gi'e na me'oi .sincere. zungi lo nu da gasnu de kei gi'e na tolsurla troci lo nu no di poi smimlu de gi'e tolvu'e xi parecivo zo'u lo nu da gasnu di cu mulcabna lo nu da gasnu de gi da xlali

cmuzilkri 17. ni'o su'o da poi na cesri'isi'a le cevni zo'u da xamgu

cmuzilkri 18. ni'o su'o da poi cesri'isi'a le cevni zo'u da xlali

cmuzilkri 19. .nu'o lo ro nu jmimu'o fi lo xamgu cu xamgu

cmuzilkri 20. ni'o lo ro nu zdile gi'e na gasnu lo xlali cu xamgu

cmuzilkri 21. ni'o lo ro nu filri'a lo xamgu gi'e na filri'a lo xlali cu xamgu

cmuzilkri 22. ni'o ro da poi xlali zo'u ro de poi gasnu da zo'u ganai de ka'e draga'i da gi lo nu de draga'i da cu xamgu

**cmuzilkri 23.** ni'o ro da zo'u ganai da tolsurla troci lo nu da roroi gasnu lo xamgu gi da xamgu

cmuzilkri 24. ni'o ro da zo'u ro de poi na xlali zo'u ganai da nupre de gi lo nu da na gasnu de cu xlali

cmuzilkri 25. ni'o ro da zo'u ro de poi na xlali zo'u lo nu lo nu da nupre de cu cabna lo nu da na zu'edji de cu xlali

**cmuzilkri 26.** ni'o ro da poi na xlali zo'u lo nu sidju da gi'e gasnu lo no xlali cu xamgu

cmuzilkri 27. ni'o ro da poi plini zo'u ro de poi prenu gi'e jutlei zo'e poi ke'a goi ko'a zo'u da stuzi lo nu zbasu ko'a zo'u ro di poi plini gi'e na du da zo'u ganai de xa'ucne da di gi de xlali

cmuzilkri 28. ni'o ro da poi se lijda ko'a goi le lijda poi se skicu la .ti'ocku. zo'u ro de poi na se lijda ko'a zo'u lo nu da cpedu lo nu ko'a lijda de cu xlali

cmuzilkri 29. ni'o ro de zo'u ganai de mutce xlafri ko'a goi lo nu selxai gi'e to'e kakne lo nu xilva ko'a gi lo nu mutce sutra catra de gi'e sisti lo nu de mutce xlafri cu xamgu gi'e na vlile

**cmuzilkri 30.** ni'o ro da poi prenu zo'u ganai da gasnu lo xamgu po'o gi da xamgu

cmuzilkri 31. ni'o ro da poi prenu zo'u ganai da gasnu lo xlali po'o gi da xlali

cmuzilkri 32. ni'o ro da zo'u ganai cumki fa lo nu cikre da gi'e gasnu lo no xlali gi lo nu cikre da cu xamgu

cmuzilkri 33. ni'o lo drani cmaci cu xamgu

cmuzilkri 34. ni'o ro da zo'u ro de poi xamgu zo'u ganai lo nu da selfai de cu na rinka lo nu da gasnu lo tolvu'e xi parecivo gi lo nu da selfai de cu xamgu

**cmuzilkri 35.** ni'o lo ro nu me'oi .creative. ja'orzu'e fi lo ka certu kei gi'e na xlali cu xamgu

cmuzilkri 36. ni'o lo ro nu kucli cu xamgu

#### 3.3 lo tolvu'e

#### 3.3.1 lo tolvu'e xi parecivo

cmuzilkri 37. ni'o ro da zo'u go da tolvu'e xi parecivo gi ge da xlali gi cumki fa lo nu le cevni cu fraxu fi da

cmuzilkri 38. ni'o lo ro nu vlile cu tolvu'e xi parecivo

cmuzilkri 39. ni'o lo ro nu zerle'a cu tolvu'e xi parecivo

cmuzilkri 40. ni'o lo ro nu gunta cu tolvu'e xi parecivo

cmuzilkri 41. ni'o lo ro nu to'e pairnu'i cu tolvu'e xi parecivo

cmuzilkri 42. ni'o lo ro nu jifyjunxu'a gi'e troci lo nu tcica cu tolvu'e xi parecivo

**cmuzilkri 43.** ni'o ro da poi prenu zo'u ro de poi bridi zo'u lo ro nu fanta lo nu da cusku de gi'e na gasnu lo tolvu'e xi parecivo cu tolvu'e xi parecivo

cmuzilkri 44. ni'o ro da poi prenu zo'u ro de poi bridi zo'u ro di poi prenu zo'u lo ro nu da camcpe lo nu di jinvi ja krici de cu tolvu'e xi parecivo

cmuzilkri 45. ni'o ro da poi cizra zo'u lo ro nu malku'i da ki'u lo nu da cizri'a cu tolvu'e xi parecivo

cmuzilkri 46. ni'o ro da zo'u ro de poi lijda zo'u lo ro nu da tolcru lo nu se lijda de cu tolvu'e xi parecivo

cmuzilkri 47. ni'o lo nu tolcumla gi'e na troci lo nu zdigau cu tolvu'e xi parecivo

# le plijaspu

ni'o la'e zoi gliban. public domain .gliban cu vasru la .ti'ocku. .i toldarsygau fi lo nu zanfu'e